

**Swift**  
CANNED MEAT SPECIALTIES  
Agente: **Wimco**

# ARUBA ANSE COURANT



Diario pa



Aruba



NO WIL  
FOR  
COOLNESS  
AIRCONDITIONING  
Tel. 2176



Año 24

DIABIERNE 2 DI AUGUSTUS 1963

No. 4706

## „LA ESPERANZA” TA ANUNCIA E PROME 5 GANADORNAN DI SU GRANDIOSO Y CAYONASO CONCURSO, CU E PASASHINAN PA COLOMBIA GRATIS, IDA Y VUELTA

1. BERTHA HASSELL  
Ranchosraat 1.

2. MARIA MATHILDA  
Seroe Biento 18

3. ANNA MARIA DE MEI  
Ayo 24.

4. CHONCHON WEBB  
Pos Chiquito.

5. F. ROMER  
P.O. Box 44 San Nicolas.

SI DAMAS Y CABALLEROS, ESAKINAN TA E PROME GANADORNAN DEN UN SERIE DI 260 PASASHI GRATIS PA COLOMBIA. TUR LOKE NAN MESTER HACI TA CONTESTA UN PREGUNTA SIMPEL, TRAS DI NAN SLIP DI COMPRAS. CUMPRE BO TAMBE, NA UNDA BO TA HANJA MERCANCIA DI CALIDAD NA PRIJSNAN ARAO ADEMAS BON SERVICIO, Y ADEMAS BIAHA PA OTRO PIAS COMPLETAMENTE GRATIS PA CORTESIA DI E SUPERMERCADONAN MAS GRANDI DI ARUBA „LA ESPERANZA”.

## Miembro di Staten D. C. Mathew y A. Falconi eligi como deputado

*Tur dos Isla'ribenjonan den eilandsraad a vota pa Mathew*

ORANJESTAD, 2 aug. — Cu un interes enorme di parti di publico, e Consejo Ejecutivo di Aruba a tuma un desicion final Diarazon anochi den formamento di e Bestuurscollege di Aruba. Despues cu e miembro Isla'ribenjo di Staten di e fraccion di P.P.A. D.C. Mathew a worde eligi cu net bastante voto pa por fuma su lugar tras di e mesa di B.C. (E resultado di e eleccion tabata 11—10 na favor di senyor Mathew), senyor Alberto Falconi, numero cuater ariba lista di P.P.A., durante e ultimo eleccionnan y un siman pasa caba deputado pa mas o menos un ora, awor a worde eligi unanime pa e puesto di deputado. Senyor Chance a bisa cu e ta spera cu e eligimento di senyor Mathew lo pone un fin na e dificultadnan den e sector di Isla'ribenjonan di P.P.A.

Manera cu nos a bisa caba tabatin un interes enorme pa e reunion. Mei ara pramer cu e reunion a cuminsa, ya e tribuna publica y e corredor tabata yen, asina cu e palisnan ku tabata presente den e edificio y tambe pafar mester a sera e porta di entrada. E eligimento di e deputadonan a tuma lugar despues cu deputada I.S. de Cuba, otra bez a warde nombro door di un decision unanime di e raad, pa gezaghebber interino.

E eleccion a termina dentro di 20 minuut. Despues cu lider di fraccion di P.P.A., E.R. Finck a declara cu senyor D.C. Mathew, na e momento Miembro di Staten, tabata e candidato pa e di cuatro deputado — esta net en contra di loka P.P.A. a declara promer, esta cu ta senyor Chrispin A. Puce lo tabata e candidato Isla'ribenjo. — a resulta un rato despues for di e eleccion, cu senyor Mathew a hanja majoria, apesar cu tabata cu un diferencia limita. El a worde eligi cu 11 voto na favor y 10 contra. 10 Voto di cual 8 for di oposicion a worde poni ariba e miembro di consejo ejecutivo di P.P.A. sen-

yor F.V. Lacle. Awor e apoyo pa sr. Alberto Falconi, cu e biaha aki a worde poni candidato di P.P.A., tabata mas grandi, el a hanja tur e 21 votonan na su favor. Ariba e pregunta di e presidente senyor O.S. Henriquez si e ta accepta su nombracion, senyor Falconi a declara cu e lo haci tal. El a sigui declarando, cu un siman anterior ora cu el a worde eligi pa deputado el a tuma decision mucho liher, sin mira e consecuencias.

FATUM — Tel.: 1845  
pa tur bo aseguranan

„Pero ora cu e mes un merdia mi a yega na e conclusion, cu esaki no tabata nada otro cu un mala manobra di oposicion contra di mi partida, „segun senyor Falconi a sigui bisando”, e ora ey inmediatamente mi a tuma un desicion y a pidi mi retiro”. „Awe mi a bolbe worde eligi como deputado, pero ariba iniciativa di mi mes partida”. Orador a gradici e oposicion cu a apoya su candidatura, na unda el a declara cu nunca antes den e histo-

ria di estado di Aruba un candidato di e gobierno na mando a hanja e apoyo di oposicion. „Pa mi esaki ta un sinjal cu nos ta ariba e bon caminda”. „Senyor Falconi a declara di ta spe-



A. FALCONI  
Paden, pafar, Paden, pafar.

ra cu na su debido tempo lo e hanja e apoyo tambe di oposicion ora cu e bin cu su proposicionnan na bienestar di Aruba en general. Su miembronan di fraccion el a sigura cu el lo keda un luchador den e fila di P.P.A. pafar



D. C. MATHIEW  
„E gran reconciliador”

di raad, segun e idealnan di defunto Juancho Yrausquin.

### Lenganan a los

Despues cu e deputado nobo a tuma su lugar, tras di e mesa di B.C., a resulta cu hopi miembronan di raad tabatin algo di bisa ainda. Senyor Jove Geerman (P.P.A.) a mira e eligimento unanime di senyor Falconi como un sinjal di „fraternidad” entre e partidanan. Senyor F.D. Figaroa (U.N.A.) a bisa cu senyor Falconi no a worde eligi „inutilmente” un siman anterior, ora cu el a worde eligi cu 11—10 y despues a pidi su retiro. „Awor bo a hanja e otro 10 votonan tambe”. Orador a bisa cu e ta spera cu senyor Falconi semper lo sirbi e bienestar di Aruba, manera cu mester ta, especialmente esun di distrito di Noord. Cu orgullo senyor Figaroa a memora con Noord tin awor su di dos deputado den B.C.

Senyor L.V. Britten (A.V.P.) a bisa cu su partida a vota un siman pasa ariba senyor Falconi, un confianza cu e lo worde eligi. Cu awor el a hanja tur e votonan, orador a hanja cu merece un felicitacion dobel.

Hunto cu e felicitacionnan senyor C.A. Eman, lider di fraccion di A.V.P. a duna esun di dje. „Awe nos por a mira cu e eligimento di siman pasa di senyor Falconi, tabatin su utilidad”. Senyor Dominico Tromp (A.V.P.) tabata un otro miembro di oposicion cu a sigura senyor Falconi su apoyo personal y esun di su partida. Un proverbio ta bisa cu tur cos cu ta bon, ta consisti di tres, pero mi ta spera cu nos lo no tin di vota di tres biaha ariba bo”. E lider di fraccion di P.P.A. probablemente a sinti su mes masha irrita pa e palabranan di e partidanan di oposicion. „E senjornan di otro banda ta muestra e asunto di un otro manera.

„Mi tin un idea cu e senjornan ta kere cu, gracias na nan apoyo, senyor Falconi a hanja 21 voto. Segun mi opinion mi ta mira unicamente cu nan ta purba salba loka nan a perde na prestigio siman pasa.” Claramente a worde publica pa prensa cu senyor Falconi no tabata kier tin nada di haci cu loka a sosode siman pasa.” „Senyor Finck a declara cu e ta hanja cu ta stranjo cu e cinco deputadonan cu a worde eligi, unicamente senyor Falconi a ricibi felicitacion for di oposicion.

Orador a protesta contra di esaki y a hanja cu senyor Falconi a hunga un bon wega cu U.N.A. y A.V.P., despues

A.) HAVE YOU SEEN FREDRIKA?  
WHERE?  
B.) WHAT IS HER JOB?  
C.) FOR WHOM DOES SHE WORK?

Send in your answers to:

**ARUBA TRADING  
COMPANY**

ORANJESTAD

AND YOU MAY BE THE LUCKY WINNER OF  
A FORMFIT BRA OR GIRDLE




## Voor alles wat schoon moet is er LUX VLOEIBAAR

Moderne Lux Vloeibaar, Uw beste en Uw prettigste hulp. Lux Vloeibaar is krachtig, en zo zuinig: U hebt maar een paar druppels nodig voor een schuimend sop. En Lux doet zoveel voor U. Uw afwas wordt sprankelend schoon, in een wip. De fijne was - nylon, wol en zijde - 't komt alles fris - geurend uit het veilige, milde Lux-sop. En Lux maakt ook verwerk, tegels, ramen en vloeren stralend schoon. Handig! Dat is Lux Vloeibaar.



**Snel**

Vet en vuil verdwijnen vliegenvlug



**Zuinig**

Met 2x knippen maakt U een schuimend sop vol waskracht - 1 fles LUX is ruim voldoende voor 100x afwassen.



**Zacht**

LUX VLOEIBAAR geeft U een sop vol zachtheid. Daarin zijn Uw handen veilig.



**Handig**

LUX VLOEIBAAR in de plastic fles staat klaar voor al Uw schoonmaakwerkjes.



HAAL VANDAAG NOG ZO'N FLES LUX VLOEIBAAR





## MEMBRAN DI STATEN

(Cont. di pag. 1)

kende no tabata den e sala, lo ta capaz pa acepta su puesto den B.C. Alavez senior Chance a bisa di ta spera cu presion lo no worde poni ariba Mathew, pa keda den Staten y asina no acepta su puesto den B.C. Senior Mathew awor ta miembro di Staten y asina pa acepta e puesto di diputado mester renuncia.

Senior Max Croes (A.V.P.), kende probablemente a hunja e palabranan di senior Finck un poco iritante, no a felicitá unicamente senior Falconi cu su nombracion, pero tambe senior Mathew na nomber di henter e fraccion. Pero orador a laga sabi cu e no por mira con senior Mathew lo por acepta su nombramento. "Si senior Finck ta di opinion cu oposicion a hunja un wega, anto el a compronde esaki malo", segun senior Croes. "Awe nos tin nos a muestra di ta conseqüente, mucho mas conseqüente cu P.P.A. Mi ta contento cu P.P.A. a mira awe nos cu e decision di A.V.P. ta e decision exacto. A.V.P. a gana!" Segun senior Croes, kende su palabranan a hunja un aplauso enorme for di banda di publico. "Senior Anslin no por a mira pakiko oposicion lo a worde primi den un skina. E tabata orgulloso en gracia na un iniciativa di siman pasa, awor henter e congreso ehecutivo a eligi un Arubiano, esta senior Falconi. Senior Anslin a declara di ta sumamente satisfecho cu e resultado di e eleccion di e anochi.

## Presidente ta avisa publico

Ora cu e palabranan di senior Anslin tambe a hunja un gran acogida for di publico, presidente mester a bolbe laga su martiu resona ariba e mesa, bisando cu e por compronde cu e reunion tabata interesante pa e publico, pero cu e publico, segun e reglamentonan di Consejo Ehecutivo tin di tene su mes fuera di comentario den cual forma cu sea. Si esaki no worde habi, segun e presidente anto e ta obliga di, laga saka e publico for di tribuna.

Despues cu senior Werleman (UNA) a conmemora cu siman pasa senior Falconi tabata claramente contento cu su nombracion den raad pa diputado, pero cu despues di tabata tres ora na un cierto otro lugar, diripiente tabata mucho menos contento. Deputado F.J. Tromp, a tuma palabra como e ultimo orador. Segun el a declara, especialmente e eleccion di senior Mathew di e anochi, e no por a laga di hunja e intencion cu e drufnan tabata basta zuur pa e oposicion. Su opinion tabata



C. A. PRUCE  
"E no a logra e estrellanan alinda"



## Rotary a honra e mihor alumnonan di anja

ORANJESTAD, 1 aug. — Dialuna anochi a tuma lugar den Conference Room di Aruba Caribbean Hotel-Casino, e honramiento di e mihor alumnonan di school cu a haci examen final e anja aki. Tabata presente na e acto di honramiento aki, e majornan di e alumnonan, representantenan di e diferente schoolnan y algun invitadonan.

E anja aki e mihor alumnonan a worde honra pa Rotary door di senior F. C. Donovan. E candidatonan tabata: Roberto Figaroa (La Salle College), Violeta Lacle (Juliana School), Sion W. Williams (St. Augustinus College), Frederico Britten (St. Antonius College), Vincent Meert (Mon Plaisir School), Margriet Nisbett (Maria College), C. Chemon (Filomena College), F. W. Behrouit (Abraham de Vries School), Ch. P. Roney (John Wesley College), Thomas Croes (Colegio

Arubano). Paul van Niel (U.T.S.), Miguel Eybregt (A.T.S.). E invitadonan cu a asisti na e diner combina cu e honramiento di e alumnonan tabata: e.o. deputado G. Oduber, kende ta tambe un Rotarian, hefe di Asuntunan di Enseñanza senior A. Poppe y huestes special. Senior W. Kramer, kende ta lt. ter zee di Ms. Dubois. Despues cu president di Rotary, Sr. Donovan a entrega un diploma di Rotary y tambe un regalo na 10 di e mihor alumnonan, (dos no a asisti), a tuma palabra na senior Jan H. Beaulieu president di e comision encargada cu e honramiento. Senior Beaulieu a apoia e hobennan aki pa sigui cu nan estudio. Tambe a dirigi algun palabra deputado Oduber, kende a muestra e hobennan claramente cu pa bira bon ciudadanonan den e comunidad di Aruba y pa keda esaki tambe nan mester sigui traha pa esaki.

lo ta algo cu e termina. Senior Anslin un di e otro Islaribenyonan den raad a declara cu e tambe a vota pa Mathew, pero cu esey no kier meen cu e lo ta dispuesto di apoia sin mas, ora cu e ta diputado. "E mester muestra nos promer ki clase di homber e ta." "Pero si, e por conta cu mi apoyo, ora cu ta trata na e bienestar general di e Islaribenyonan y Aruba." E comentario di senior Finck ariba e resultado di e anochi tabata hopi mas cortico: "Ta nos ta manda! Na m..... cu A.V.P."

## Mathew

E dificultadnan cu segun ta worde spera, senior Mathew lo tin cu su aceptacion ta, cu e ta miembro di Staten. E partidanan di gobierno P.P.A. y D.P. tin un majoria den Staten esta 12-10. Pa por tuma decisionnan den Staten mester tin un quorum di 12 miembro, esta mitar, mas uno. Si senior Mathew renuncia su puesto como miembro di Staten loke e tin di haci pa por acepta e nombramento como diputado (e no por uni e dos puestoan aki) e ora ey por resulta cu ta imposibel pa nombra un sucesor den Staten. Pues si oposicion no presenta den Staten ora cu e nombramento worde trata, anto no tin un quorum den Staten. Segun senior Mathew a declara na nos Diarazon anochi e ta kere cu e lo acepta su nombracion. Segun e resultado di e eleccion di Staten senior Jose Geerman lo ta su sucesor.

## Comentario

Senior Chance, Islaribenjo den e fraccion di P.P.A. a declara despues na nos cu e ta masha satisfecho cu e resultado. El a declara cu el a apoia e candidatura di senior Mathew cu su voto, kende el a hunja cu ta un bon candidato pa e puesto di diputado den B.C. Atrobe senior Chance a duna di conoce cu e ta spera cu awor e dificultad entre e Islaribenyonan den P.P.A.

Esaki ta e momento cu senior F. C. Donovan, presidente di Rotary ta entrega diploma y regalo na e mihor alumnonan di school cu a pasa nan examen e anja aki. E acto aki a tuma lugar den Conference Room di Aruba Caribbean Hotel-Casino bao di auspicio di Rotary, cu annualmente ta honra e mihor alumnonan di anja cu a pasa examen final di nan school.

## 270 MARINIERS LO BISHITA RUSIANONAN

ORANJESTAD, 2 aug. — En coneccion cu e hecho, cu e Kuzerne di Marina na Savaneta a gana e campeonato di Marina pa anja 1963, e comandante a dicidi pa ofrece su muchanan algo apuri como un gesto di aprecio pa loke nan a logra. Gracia na comandante Balleux, Arubaanse Kunstkring y Onze Vloot no menos cu 270 marinier lo hunja un en rada den Wilhelmina Stadion, caminda e anochi aki e famoso grupo di Ballet Ruso Moisseiev di e Theater Bolshoi na Moscu lo duna un presentacion. Ta worde spera cu delaster un lugar den stadion lo ta ocupa e anochi. Ayera e grupo di bailarinanan, orkestra, gimeur, lider Moisseiev y lo demas a yega na Aruba.

## RECEPCION NA BORDO DI "HERCULES"

ORANJESTAD, 2 aug. — Ayera merdia G. Kroese, hefe interino di agencia di KNSM na Aruba a duna un recepcion abordo di "Hercules". E bapor aki, e di tanto den e serie di bapornan cual nomber ta caba cu "ES" di e compania, na momento ta haciendo su promer biaha bao di e comando di G. B. Wilink. Senior Kroese a declara na nos cu awor e trayecto Amsterdam-Corsow-Aruba ta worde haci tur siman, ida y vuelta, cu dos bapornan grandi "Hercules" ey por corre 16 milla a sali for di Amsterdam dia 19 y despues di a haci un bishita na Corsow ya a yega Aruba. Asina cu e viaha entre Amsterdam y Aruba ta dura awor 13 dia. E bapornan di e scrienian bieuu a worde poni ariba otro trayecto. "Hercules" a worde traha na e astillero di Pot te Bolnes na Hulanda.

## CORTE DI HUSTICIA CU VACACION

ORANJESTAD, 2 aug. — Di ayera te dia 24 di augustus venidero, lo tin tratamiento mas di caso dilanti di Corte di Husticia, cu lo ta cu vacacion di verano, durante di e periodo aki.

# YABI

## pa bo éxito

Avisa den  
**ARUBAANSE  
COURANT**  
y compara e  
resultadol

## UN VACANTIE SABROSO SIN NINGUN PREOCUPACION



cu bistirnan frescu pa bo jiu-  
nan, mucha homber y mu-  
cha muher. Tambe zwem-  
broek, y otro necesidadnan  
pa pasa un bon rato na  
beach.

Pa e surtido mas grandi  
**La Linda**

Pa tur sorto di **LAMPI**; lampi pa platond,  
pa porch, pa muralla etc.



na prijsnan masha favorable; pasa na  
**ACME STORE**

San Nicolas

Tel. 5381-5384

## Ganando 51-47 di R.C.A., Plymouth a bira campeon clase "A"

(Di nos redactor Deportivo)  
Un interes enorme tabata tin diarazon anochi riba cancha di Aruba Jrs. pa e dos partidanan di basketball masculino programa. E promer wega tabata e promer di un serie di playoff pa e titulo di campeon di clase "B". E teamnan di Aruba Jrs. y Plymouth a termina e campeonato regular empatado e promer puesto cu cada uno nueue gana y un perdi, loke a obliga un playoff di maximo tres wega entre nan dos.

Na halftime e equipo di Aruba Jrs. tabatin un ventaha di cuatro punto, cu e score di 15 pa 11. Durante e segundo tempo nan a logra aumenta e ventaha aki y e partido a caba 30 pa 22 den favor di Aruba Jrs.

Mihor scorer di Aruba Jrs. tabata Eddy Becker cu 11 punto, mientras cu R. Genser tabatin e mihor puntuaria di e quinteto di Plymouth cu 9 punto.

E siguiente wega di e playoff lo ta riba dialuna awor. Den caso cu e playoff empatado dialuna awor anto e partido decisivo lo worde hunja dos dia despues riba diarazon dia 7 di augustus.

## Plymouth campeon di "A"

E segundo wega di diarazon anochi tabata esun importantisimo pa e promer puesto di e division clase A. Promer cu e partido Plymouth tabatin ventaha di un punto riba R.C.A., esta 6 pa 5. E encuentro di diarazon tabata hopi importante ya cu e por a trece un empate den e promer puesto entre e mes dos teamnan ey.

Na halftime e partido tabata empatado cu 24 punto pa banda. Cu Plymouth sin embargo tumando tur biaha e delantera, e segundo mitad di e partido a transcuri. Na momento cu e pitazo final a sona, Plymouth tabatin ventaha di cuatro punto cu e score di 51 pa 47.

Steve Alexander tabata e mihor scorer di e anochi cu un total di 24 punto. Pa Plymouth tabatin e mihor record e anochi ey Boy Marchena, kende a percura pa 18 punto di su team.

Cu e triunfo aki e muchanan di Plymouth a bira campeon di clase A cu un record di shete wega gana y un perdi.

R.C.A. a keda awor cu cinco gana y tres perdi empatado den e segundo cu Don Bosco.

Entre e dosnan aki lo mester worde hunja awor un partido di playoff pa dicidi cua ta hunja e titulo di subcampeon.

E partido aki di playoff ta worde hunja riba diarazon dia 7 di augustus. E unico division den cual e dos titulonnan a keda dicidi cu e programa normal mes caba at esun di juniors. Den tur e otronan mester worde teni, of a worde teni, un of mas wega di playoff pa un di dos titulonnan.

## DOS OFICINA NOBO DI CONSULTACION DI WIT GELE KRUIS

ORANJESTAD, 2 aug. — Diasabra venidero e organizacion pa higiene publico "Wit-Gele Kruis" lo habri dos oficina nobo di consultacion. Esakinan ta situa na Savaneta, tras di warda di polis y na San Nicolas den Van Speijkstraat No. 1. Tur dos e oficianan lo ta bao di guia di dokter W. H. de la Fuente. E oficina di consultacion na Brazil lo worde cera en coneccion cu habrimento di e dos nan aki.

## A.N.V. na Aruba ta introduci "Fiesta di Haring"

ORANJESTAD, 2 aug. — Dia 10 di luna aki e departamento di Algemeen Nederlands Verbond di Aruba lo organiza un "Fiesta di Haring" pa su miembronan. Esaki lo tuma lugar na Basi Ruti caminda normalmente e barbequen ta worde teni. Diferente garoshinan completo cu sibollo, tayo y lo demas, cu ta necesario pa tal fiesta lo ta cla pa e cientos di macambanan cu pa un prijs reduci por laga cuanto "haring" cu nan kier "slip" baha den garganta. E anochi ta pa miembronan y un cierto cantidad di introducidonan. Ta pa di promer biaha cu na Aruba tal festin ta worde organiza. A.N.V. tin intencion di haci esaki algo tradicional na Aruba.

AWOR OBTENIBLE NA

## Panama Store ROMART

INTERIOR — EXTERIOR  
ROMART TA UN VERF  
MODERNO, CUIDADOSAMENTE  
MESCLA PA PROTEHA E SU-  
PERFICIE COMPLETO.

Proteccion den cada galon.  
1 galon f. 5.10  
1/4 galon f. 2.25  
També tin tur sorto di KWASHI.

## TA BUSCA

Un mucha homber pa parti Aru-  
baanse Courant na Sta. Cruz; —  
Papillon; — Macuarima y Boton.

E MESTER TIN BICICLETA

Pa inf.: Acudi na oficina di  
Arubaanse Courant,  
mainta entre 8—9'or.

TA BO MES mester bishita nos pa

mira e bunita

**LAMPINAN DANES**

cu nos tin actualmente.

Tambe nos a ricibi un lote unico di

**Tela pa Cortina y pa**

**Fura Stool**

Serca nos ta calidad so ta conta!

**MESKER ARUBA**

NOBO NOBO NOBO

NASSAUSTRAT No. 34

Nos a caba di habri tela nobo Ka-

tauna y plique bunita, flores, especial-

mente pa traha bisti di shift. Panja

pa saya nobo cu disenjos nobo. Bu-

nita tela strepia. Tambe "Terry-

cloth", den color. Bunita tela borda

for di Suiza. Prijsnan barata!

Just arrived

large assortment of

**SAFETY EQUIPMENT**

\* HELMETS (plastic and

aluminium)

\* HELMETS-GOGGLES

\* MONO-GOGGLES

\* RESPIRATORS

\* EYE-SHIELDS

**ARUBA HARDWARE C.V.**

(Brenchi)

**PADER WILLEMS TA**

**BIN ANTILLAS**

ORANJESTAD, 2 aug. — Pronto

pader dr. B. Willems O.P., Profesor

den dogmatica na e convento di Do-

minicanen Alebertus na Nijmegen,

y reemplazador di prof. Schillebeeck

na e Universidad Catolico na Nijme-

gen, lo bin Antillas pa tene algun lec-

tura. En cuestion cu reorientacion

riba tereno di iglesia lo e tene algun

lecturanan tambe na Aruba.

Gezaghebber O.S. Henriquez y Jr.

F.D. Looman, director di E.L.M.A.R.

ta felicitá otro, despues cu un stap mas

pa progreso di Aruba a worde accen-

tado oficialmente. Diamars anochi un

cuarto pa siete na Maria Maal. Door

di primi ariba un boton ariba un poste

di corriente, gezaghebber Henriquez a

conecta Maria Maal y becindario cu e

red di electricidad di Aruba, cu dentro


di algun anja mester ta un echo den tur

skina di Aruba.

## CISCO KID presenta pa cortesia di ARUBA BOTTLING COMPANY

e promer fabrica di refresco na Aruba, cu e productonan mas  
gusta y mas pidi. NESBITTS e refresco sin igual.

1. E eos di hunja aki lo bira  
di bo ora cu bo entrega e  
cueroan di bufalo. Garra  
Rojá... Hala un banda!



## PEPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.

1. Uh... Mi ta hopi ham-  
ber!  
2. Awor si mi ta bai como  
bon. E cuminda bon en Pe-  
pita sa prepara!  
3. Ja cu mi ta bistir caba,  
pakiko nos no ta bai como  
afor Lorenzo.  
4. Laga nos bai... Ta nei  
mi ta bini cu mes un idea  
pa bisa bo mescos...





! Hunga lu papel bon, ~~etc. etc.~~





## N. SCHUIT HEFE DI D.O.W. 25 ANJA DEN SERVICIO

ORANJESTAD, 2 aug. — Den un apartamentu yen di boquetnan, na e oficina di D.O.W. na Oranjestad, a tuma lugar Diarazon atardi 3'or y mei, e conmemoracion cu senior N. Schuit, hefe di Servicio Publico di Trabao a cumpli 25 anja den servicio di gobierno di teritorio insular. Cu palabranan bon escoli e diferente oradornan a conmemora e trabao y e servicio di e jubilario. Hopi palabranan di elogio, gradicimientu, felicitacion y apoyo por a worde tendi e atardi.

Mientras cu algun damas y caballeronan tabata percura pa e stonnan di e invitadonan cu snacks y bebida, hopi amigunan concocionan y socionan di trabao, a duna senior Schuit nan pahen cu e hefe grandi aki promer cu e parti oficial y amigable. Erua di e diferente hefe di e servicio tabata presente tambe e tres deputadonan: G. Oduber, F. J. Tromp y L.S. de Cuba, alavez gezaghebber interino, kende a disculpa gezaghebber O.S. Henriquez, kende no por a asisti na e jubileo, pa motibu di enfermedad.

### Hopi elogio

E promer orador cu a tuma lugar tras di e microfonan na duna senior Schuit su felicitacion tabata senior J. A. Hille, kende ta adjunt-hoofd di DOW y kende diferente biaha a supervisa e trabao di senior Schuit mientras esaki tabata for di Aruba pa deliberacionnan of vacation. Den algun palabranan el a elogia e trabao di senior Schuit y tambe e cooperacion cu semper el a hantja cerca su hefe.

El a termina su discurso desandando e jubilario un carrera cu lo continua yen di exito. Senior J. S. de Cuba, kende despues a tuma palabranan y a felicita e hefe di DOW na promer lugar na nomber di gezaghebber, a duna un resumen chikito cu senior Schuit kende a cuminsa for di un ambientu tecnico a subi te na unda e ta awe. El a muestra cu trabao grandi y chikito a wordi bisiado di su supervision. Camindanan, edificionan y lo demas cu ta worde construi pa progreso di Aruba.

Na nomber di Bestuursschep, senior J. Tromp y L.S. de Cuba, alavez gezaghebber interino, kende a disculpa gezaghebber O.S. Henriquez, kende no por a asisti na e jubileo, pa motibu di enfermedad.

### Gran cooperador

E siguiente orador tabata comisionario di polis C. de Jager kende, mecos cu Dr. J. Hartog a elogia senior Schuit pa e cooperacion cu e ta duna no unicamente den su trabao, pero tambe fuera di su trabao na e.o. e Comision di Construcion, cual senior De Jager tabata representa, y e Comision pa Nombenan di Callanan di Aruba, representa pa senior Hartog. Na nomber di e comision cu e ta representa, senior De Jager a entrega un envelope cu contenido. Senior Hartog kende tambe tabatin elogio pa e trabao di senior Schuit, como cooperador cu e Comision pa Nombenan di Callanan di Aruba, a conmemora con un biaha un di e miembronan di e comision a bisi cu e no ta hantja cu ta ben pa un calla worde jama na nomber di un hende cu no a muri ainda. El a termina bisando cu e ta spera cu senior Schuit lo tin hopi anjanan mas di bida promer cu un calla worde jama na su nomber. Un gesto special a bini for di banda di e contratisanan di Aruba, kendenan representa pa senior B.

Croes di Petrona & Croes a regala senior Schuit un recuerdo pa e dia aki.

Tambe a dirigi palabranan e atardi sr. Marco Henriquez, hefe di Servicio di Limpieza, kende tabatin palabranan di aprecio pa e jubilario, especialmente como un hefe. El a desea senior Schuit honi exito mas den su trabao pa e bienestar di Aruba.

### Cambio enorme

El ultimo orador di e atardi tabata e jubilario mes, kende na promer lugar a gradici tur hende pa nan presencia. El a sigui su discurso y a duna palabranan di elogio y gratitud na esunnan cu durante su 25 anja di servicio a coopera cu ne, y cu asina e por a yega caminda e ta awe. Tambe el a conmemora e Aruba di antes, clarificando asina e progreso y e trabao cu DOW a haci durante di e di e anjanan cu a pasa. El a muestra con e situacion di e callanan tabata den e anjanan 30, ora cu el a yega na Aruba, caminda tabatin unicamente algun callanan asfalt. E situacion di e riolnan cu casi no tabata existi, tabata asina cu ki ora tabatin un yubida di awa hasta pisa. Oranjestad tabata bato di awa. Tambe el a conta con e situacion di e schoolnan na Aruba tabata, ora cu el a yega aki, tabatin un total menos cu 10 school. Situacion di awa tabata deplorable. Unico ora cu bo por a hantja awa tabata entre 5'or y 6'or di atardi, si bo yega mas laat bato di kranchi bo no por a hantja. Tambe el a papia tocante Aruba di awendia caminda den tur skina edificionan nobo, callanan, etc. ta worde traha. Asina el a sigui splica e progreso cu Aruba a haci durante e anjanan, y di cual segun su mes palabranan, "Mi ta contento di por a yuda den e trabao necesario pa e desaroyo di Aruba".

Promer cu el a termina e tabatin palabranan di gradicimientu pa e personal cu cual durante e anjanan el a traha y ta trahando: na promer lugar pa nan cooperacion y tambe e gran trabao cu nan ta haci. Tambe na su senjora Dora, kende no por ta presente e tabatin palabranan di elogio pa e yudanza cu e tabata pe durante e anjanan. Y promer cu el a tuma lugar den su stul atrobe el a gradici esunnan cu a coopera pa haci e atardi aki un atardi inolvidable pe.

Esaki ta e momento cu diarazon atardi senior B. Croes, como representante di e contratisanan di Aruba a entrega un regalo na senior N. Schuit hefe di D.O.W. na Oranjestad, kende a recorda e hecho cu ta 25 anja pasa cu el a drenta servicio di D.O.W. na Aruba.

### NOTICIA DI POLIS

ORANJESTAD, 2 aug. — Diarazon anochi 9'or un tal caballero F.G., sospecha di a comete un robo a worde deteni pa e rechereche. El a confesa cu el a comete e robo den restaurant, cual robo nos a publica dia nos edicion di ayera. Mientras cu e investigacion ta continua el a worde carcele.

### „Gang“ contra uno

Diarazon merdia mas o menos 12'or y mei, asistencia di polis a worde pidi telefonicamente pa un brigamento masha formal cu tabata tumando lugar na Oranjestad. A resulta cu e caballero E.B. mester a defende su mes cu alma y curpa contra di no menos cu 5 otro caballero. E cinco „balentianan“ aki tabata J.J. H.N., A.K., P.B. y A.E. E persona E.B. a hantja un corta na su lip y alavez algun golpi serio na su cabes a consecuencia di skopan cu el a ricibi for di e otro cinco caballeronan. Polis a bisi e „gang“ warda caminda nan a hantja un cuarto gratis cada uno, mientras cu un investigacion ta tumando lugar.

### Desgracia na trabao

Diez'or y mei diarazon mainta a worde avisa cu un desgracia a sosode ariba tereno di Lago na San Nicolas, caminda un firma di contratisa tabata trahando un dak ariba un di e tankinan di Lago. Durante di e trabao aki un di e trahadonan su dade robez na cual e tin un renchi histi a pega entre un kabel di stal di un garucha cu ta worde usa pa lastra e planchonan di hero. E resultado di esaki tabata cu e promer pida di e dade di e victima R.R. a worde kita completamente afor. Despues di a worde trata pa dokter e por a bolbe cas.

### Otro ladronia

Un cuarto pasa di cuatro diarazon atardi e caballero K. cu ta cuida un plantage a bin duna cuenta na polis cu algun personanan segun su declaracion ocho mucha homber, a horta mango lechuga y tambe algun florin for di den e plantage. E caso a worde entrega den man di rechereche.

# Campanja hubentud di dos dia

ORANJESTAD, 1 aug. — Un campanja cortico, ma intenso, di CARIBBEAN YOUTH CRUSADE, un departamento di YOUTH FOR CHRIST INTERNATIONAL, Inc. (YFC), lo ta teni na Iglesia Evangelica, Huygenstraat 17, Mon Phaisir Diabierne anochi, 2 augustus, 7'or. Tambe Diasabra atardi, 3'or, y anochi 7'or lo tin reunionnan na Youth Activities Building di YMCA, San Nicolaas Sr. Harold Kendall, lider di campanja local, a anuncia awe.

Un grupo di specialista den iniciativa hobentud, guia pa Rev. PAUL C. HARTFORD, Director di region Caribe, lo tin Rev. Alan Davis como orador principal y solista. Rev. Davis no ta artista den grabamentu di disconan di musiek sagrado como cantador y locador di trombon solamente, sino el a caba di termina un mision mundial di predicashi. Otro miembronan di grupo ta dos hoben cu ta musicantenan y specialistanan tambe trahando cu hobentud den clubnan voluntario den schoolnan haltu y colegionan na America.

Un aspecto distinto dje grupo extraordinario aquri ta nan modo di transportacion. Nan ta bula den nan propio avion chiquito checutivo di dos motor. Hopi bez centenares di hoben ta atrai na e avion pa motibu di su colornan y nomber „DESTINY DISCOVERER“. Capitan Hartford, un iniciador di misionnan aeronautico, ta splica cu e dos palabrnan den nomber di su avion ta yen di nificacion pa hobentud awendia.

Esnan mas alerto di hobentud ta ansioso pa DESCRIBI DESTINO pa nan mes. Esei, en herdad, ta tema di e CAMPANIA di dos dia.

Den 1962 Davis a biaha mas cu 100.000 milla den 24 pais di mundo incluyendo Moscu, Warschau y Oost Berlin. El a predica na Formosa pa oficialnan di Ehercito Nacional Chines y refugiadonan Chines drentando Hong Kong for di China Comunista. El a dirigi campanjanan na Singapore, India, Italia, Portugal, Alemania, Swe-



den, Francia y Gran Britania. El a parece den schoolnan haltu na West Berlin cu un grupo di asistentenan hoben di America. E tawata ministro huesped na e capilla protestant na e base Americano na Verdun, Francia den e linea famoso „Magnet Line“. E tawata e obrero principal na Londres den e „late night specials“ cu a hantja prominencia nacional y reconocementu internacional pa nan obra cu „teddy-boys“, e nomber duna na hobennan delincuente na Gran Britania. Sr. Davis a nace na estado di Oklahoma. El a predica pa prome bez na edad di 16 anja. E tawata activo den e grupo di YFC na e stad di Tulsa ora e tawata estudiante na Universidad

di Tulsa. Despues el a bai na Wheaton College, Wheaton, Illinois ora e tawata trahando cu e organizacion internacional di YFC.

Desde cu el a cuminsa cu YFC internacional 1 Juni 1960, el a papia cu studentenan den centenares di schoolnan haltu y colegionan huntu cu reunionnan y cruzadanan den casi tur centro di YFC rond mundo. Na edad di 26 anja, e tawata un dje oradornan principal na tal conferencianan biblico bon conoci como Winona Lake Conference y Maranatha Conference.

Un artista di graba disconan, Davis ta un solista bariton y trombonista. E ta usa disco o tape magnetico pa acompaña den asambleanan den schoolnan haltu y clubnan pa presenta un versio bibu di su disconan.

YOUTH FOR CHRIST INTERNATIONAL ta un organizacion interdenominacional cu specializacion den evangelismo hobentud. E ta mantene un programa activo den 300 centro na America y den 26 pais di mundo.

### Eligimentu di directiva di camara di comercio Aruba

ORANJESTAD, 2 aug. — Diarazon anochi tres miembro nobo a worde eligi den e directiva di Camara di Comercio e Industria di Aruba Pa empresanan grandi senior Clinton Whitfield a keda eligi y pa empresanan chikitu srs. C.W.G. (Boy) Eman y Morris Serphos. Door di e eligimentu aki a ser provisiona den tres vacatura cu a worde causa pa e renuncia di senior J. J. Lacle y dos otro a base di e decision aproba pa Staten pa extende e directiva di shete pa nuebe persona. E sobra miembronan di directiva ta e presidente G. de Veer Jr., vice-president Harold Oduber, srs. Jose (Jossy) de Cuba, Arturo M. Arends, Albert Raven y Theo Hese. E miembronan di directiva di e camara ta keda eligi pa e periodo di tres anja.

Sr. Davis a nace na estado di Oklahoma. El a predica pa prome vez na edad di 16 anja. E tawata activo den e grupo di YFC na e stad di Tulsa ora e tawata estudiante na Universidad

### PATER L. VAN DIJK NA ARUBA

ORANJESTAD, 2 aug. — Actualmente ta na Aruba como huesped di pastorie di Oranjestad pater L. van Dijk, prefecto di Pius Seminarie na Corsow. Pater van Dijk lo acepta su tarea vicar di pastornan Dominicanen na Antillas medio september. Si bishita ta di karakter objetivo y ta relaciona cu e seminario na Corsow.

### LECTURA DI DEPUTADO TROMP

ORANJESTAD, 2 aug. — Ayera diputado F. J. Tromp a tene un lectura den pastorie na Oranjestad pa algun padernan di Aruba. E punto ariba cual e lectura a trata ta „Desaroyo economico di Aruba“. El a tene e lectura ariba invitacion di e padernan mes.

Esaki ta un grupo di e padvinderan di St. Hyacinthos groep di Savaneta cu ultimamente a bishita Puerto Rico pa asisti na un kampaño di padvinderan. Aki nos ta mira e hobennan na un clerto sitio na Puerto Rico, caminda segun nos a worde informa e hobennan a pasa un tempo inolvidable.



BUCHI ROBEZ presenta pa cortesia di: REFRESQUERIA INGRID TEL. 1849

★ e mehor adres pa snacks, tur clase di dushi, softdrinks, ice-cream y revistas



## Situacion na Skoplje

SKOPLJE, 2 aug. — Geologonan a descubri dos kiebra den terra bato di e ciudad Skoplje na Joegoslavia. E kiebranan ta casi dos cien meter largu y ta entre dos y diez centimetro anchu.

Nan tin miedu pa terra cuminsa abri, mas di 6000 mucha a worde evacua pa otro ciudadnan den ultimo dianan. Mas o menos 66.000 hende ta biba den tentnan rond di e ciudad.

E hospital di ehército Mericano, cu a worde transporta pa Skoplje via aerea, ayera a tuma e prome patiente y actualmente ya tin mas di 120 persona gravemente herida ta atende.

Expertonan for di Belgrado ta investigando e edificionan destrui pa calcula cua por worde drecja atrobe.

E agencia di prensa na Joegoslavia a participa awe, cu tur hotelnan na costa Adriatico ta yen y cu trafico di turista ta sigui normal, apesar di e desastre, cu manera ta conoci, a azota Skoplje siman pasa.

E federacion di Joegoslavia a haci un yamamentu na tur clubnan di fut-

### EXPLOSION NA MADRID

MADRID, 2 aug. — Na e patio di oficina principal di polis di seguridad Spanjo na Madrid tabatin un explosion awe tramerdia na e departamento di pasaporte.

Segun noticianan, e explosion a causa cu ocho persona a worde herida, di cual dos ta grave.

Otro noticianan cu a drenta, despues diezdos persona a worde herida.

### PARTI DI MISION COMERCIAL A REGRESA

SCHIPHOL, 2 aug. — Tres miembro di e mision comercial Hulandes (cu tabata consisti di ocho miembro) cu dos siman a sali pa Indonesia, a regresa Schiphol awe. Na nan yegada e tres miembronan a entrega un comunicado, cu e delegacion completu a traha na Djakarta y cu tabata contene otro e impresion y conclusionnan mas importante.

E delegacion a worde ricibi masha cordial na Indonesia, tantu pa president Soekarno cu pa tur e otro ministernan y hefenan di servicio di gobierno y otro particularnan.

No por ripara nada mas di algun discriminacion contra Hulanda pero tampoco tin un preferencia pa Hulanda riba otro paisnan. Comercio cu Indonesia por cuminsa atrobe, pero no mester spera desarollanan espectacular. Segun e comunicado Hulanda lo haci masha bon tambe di principalmente considera Indonesia como un pais di desarollo.

bol pa organiza encuentronan diadomingo awor pa colecta placa na beneficio di e victimanan di e catastrofe.

Awe nan a cuminsa cu vaccination masal riba caya na Skoplje pa evita tyfus y otro enfermedadnan di infeccion. Te ainda no tabatin ningun caso di tyfus, pero segun un corant local tin diferente otro caso di enfermedadnan di infeccion den e ciudad na rand di Skoplje. E personanan afecta a worde isola inmediatamente.

E stacion seismologica di Skoplje a registra diezscinco sacudimentu ajera nochi, pero ningun ta di menciona.

### PROCESO CONTRA MIEMBROAN POCO

CIUDAD DEL CABO, 2 aug. — Na Kokstad nan a cuminsa ayera un proceso contra 30 Africano di colo cu nan ta acusa di a mata dia 5 di febreru pasa na Transkei un pareha blanco, nan dos yunan menor di edad y un ingeniero blanco. Fiscal a yama e organizacion di terror di Africanonan di colo responsabel pe asesinato aki.

Segun Dagvaarding a resulta cu tur acusadonan ta miembro dje organizacion secreto POQO. Riba orden di nan lidernan nan a mata e cinco blancunan aki pa demostra nan bator. E organizacion tin riba su programa pa caba cu tur hende blanco na Zuid Africa.

### PRINCIPE BERNARD A CAI

DEN HAAG, 2 aug. — Ayera Principe Bernhard, a cai na Porto Ercole caminda e Famia Real ta pasando vakantie, ora cu e tabata subi su boto di motor, caminda el a lesiona su lomba seriamente. Despues di examinacion a resulta cu e Principe tin di tene cama pa dos siman. E bishita propuestu ne Jamboree Mundial cu nan ta tene na agosto na Marathon lo no por tuma lugar.

### GRUPO DI BRAZZAVILLE LO DISPARCE

COTONOU, 2 aug. — E grupo di Brazzaville, un union di paisnan Africanos di habla Frances y Marokko cu tres anja pasa a worde forma na Brazzaville, lo disparce. E liderman di e paisnan aki, cu a conferencia for di diasabra na Dahomey, a haci e participacion aki awe den un comunicado cu nan a publica despues di nan conferencia. E decision a worde tuma a consecuencia di un conferencia cumbre di trinta pais Africano, cu recientemente a reuni na Addis Abeba y na cual conferencia a worde dicidi pa establece un organizacion pa Union Africano.

## BO HOROSCOPO PERSONAL

ARIES 21 Maart — 20 April



Por tin un tregu so den cartanan cu bo ta spera. Tene cuenta cu esey y expresa bo malcomprension cerca otro.

TAURUS 21 April — 20 Mei



Awe aspectonan ta menos favorables; evita firmamentu di acuerdo, nan si ta posibel. No haci ningun transaccion.

GEMINI 21 Mei — 20 Juni



Por tin factornan secreto cu ta straba bo pa haci lo cual bo tin idea, spera te ora bo hacie ta mehor pa bo no comete error.

CANCER 21 Juni — 22 Juli



Aspectonan di awe ta menos favorables, tene cuidado pa nan no ganja y informacionan malu. Spera prome cu bo dicidi algo.

LEO 23 Juli — 22 Augustus



Tene e dia aki mas ketu posibel, no laga otro problema voca bo. Mehor atendu cu bo asuntunan cu bo ta pendiente ainda.

VIRGO 23 Augustus — 22 September



Aspectonan di awe ta indica cu bo mester evita bmes dimas. Bai calmu y anochi bo mester sosoga tambe.

LIBRA 23 September — 22 Oktober



Mainta ta forma e mehor periodo di dia. Bo huicio ta correcto pero bo hantja poco dificultad cu otro nan.

SCORPIO 23 Oktober — 22 November



Por tin un tregu bacion awe den e acordonan. Busca tur informacion y hechonan prome bo compromete bmes na algu.

SAGITARIUS 23 November — 21 December



Laga otro mustnan iniciaivo. Si tin problema cu otro nan, no haci e prome paso. Aspectonan ta indica cu bo mester bai e cuidao.

CAPRICORNUS 22 December — 19 Januari



Tene pasenshi cu otro nan ta reaciona desfavorable. Di bo banda bo mester forza bmes dimas y acepta e cosnan manera nan ta bini.

ACUARIUS 20 Januari — 18 Februari



Locual bo lo haci awe, lo duna bo alegria y satisfaccion despues. Por tin poco strabacion den bo asuntunan di trabao.

PISCES 19 Februari — 20 Maart



Tene cuidado cu locual bo ta scribi y tambe cu compromisonan cu bo ta haci y por tin consecuencianan financiero.

### ACUERDO ENTRE E.E.G. Y INGLATERRA

BRUSSEL, 2 aug. — Un comen-tarista dje comision economico Europeo a anuncia cu e conseho ministerial di E.E.G. a duna su aprobacion na un acuerdo cu Gran Britania a base di e tur derechonnan riba importacion di te y paluanan tropico (palworde hala aden. Fol prome di januari di otro anja nan por importa den E.E.G. y Gran Britania te y sorto di paluanan di tropico liber di derechonan.